



Broj: 01/09-11-1774/21

Sarajevo, 21.04.2021. godine

Na osnovu člana 2. stav 1. Odluke o stipendiranju učenika srednjih škola iz Budžeta Grada Sarajeva ("Službene novine Kantona Sarajevo", broj 54/18), gradonačelnica Grada Sarajeva raspisuje:

**KONKURS**  
**za stipendiranje učenika srednjih škola iz Budžeta Grada Sarajeva za 2021. godinu**

Stipendije Grada Sarajeva dodjeljuju se za školsku 2020/2021 godinu, a sredstva za realizaciju su obezbijeđena u Budžetu Grada Sarajeva za 2021. godinu.

Visina mjesečne stipendije iznosi 100,00 KM po učeniku, što za 9 (devet) mjeseci iznosi ukupno 900,00 KM.

Pravo učešća na Konkursu imaju učenici srednjih škola sa područja četiri gradske općine (Općina Centar Sarajevo, Općina Stari Grad Sarajevo, Općina Novo Sarajevo i Općina Novi Grad Sarajevo), koji se nalaze na redovnom školovanju, koji ne obnavljaju razred i koji nisu korisnici stipendija iz drugih izvora.

**Kriteriji za stipendiranje učenika, način bodovanja i neophodna dokumentacija**

Kriteriji za stipendiranje učenika su:

1. **nizak porodični standard i otežani uslovi života**
  - učenik bez oba roditelja; (15 bodova)
  - učenik bez jednog roditelja/samohrani roditelj/staratelj; (10 bodova)
  - učenik čija su oba roditelja nezaposlena; (8 bodova)
  - učenik čiji je jedan roditelj nezaposlen; (5 bodova)
  - višečlane porodice (prednost imaju porodice sa troje i više djece); (5 bodova za troje djece, svako sljedeće dijete 1 bod)
2. **učenici srednjih strukovnih/zanatskih škola; (8 bodova)**
3. **učenici sa najmanjom prosječnom ocjenom 4,0; (2 boda)**

Učenici koji se prijavljuju na Konkurs, dužni su popuniti Prijavu i Izjave, sa svim potrebnim podacima. Isto se može preuzeti na web stranici Grada Sarajeva, [www.sarajevo.ba](http://www.sarajevo.ba).

Učenici koji se prijavljuju na Konkurs, također su dužni priložiti dokumentaciju, kojom dokazuju ispunjenje potrebnih kriterija i to:

- Prijava mjesta prebivališta, odnosno boravišta (za sve učenike);
- Izvod iz matične knjige umrlih (za učenike bez jednog ili oba roditelja);
- Odgovarajući dokument nadležnog organa kojim se dokazuje status samohranog roditelja/staratelja (za učenike koji žive sa jednim roditeljem/starateljem);
- Potvrda iz Službe za zapošljavanje, (za učenike čiji je jedan ili oba roditelja nezaposlen),
- Kućna lista (za višečlane porodice, sa troje i više djece);
- Svjedočanstvo ili dačka knjižica kojima se dokazuje da je učenik prethodni razred završio sa najmanjom prosječnom ocjenom 4,0, a za učenike prvih razreda svjedočanstvo ili dačka knjižica o završenom devetom razredu sa najmanjom prosječnom ocjenom 4,0;
- Potvrda o upisu u tekuću školsku godinu;



- Izjava učenika, odnosno roditelja/staratelja ukoliko je učenik maloljetan da ne prima stipendiju po nekom drugom osnovu;
- Izjava učenika, odnosno roditelja/staratelja, ukoliko je učenik maloljetan, da je saglasan da se njegovi lični podaci, odnosno podaci djeteta mogu obrađivati u skladu sa članom 5. Zakona o zaštiti ličnih podataka, a za potrebe provođenja konkursne procedure;
- Broj bankovnog računa učenika, odnosno roditelja/staratelja u poslovnoj banci, ukoliko je učenik maloljetan, na koji će se vršiti uplata stipendije.

Sva potrebna dokumentacija kojom se dokazuje ispunjenje kriterija za stipendiranje učenika mora biti original ili ovjerena kopija.

Neblagovremene i nepotpune prijave neće biti uzete u razmatranje.

U slučaju da prijavljeni učenici imaju jednak broj ukupno ostvarenih bodova, prednost će imati onaj kandidat koji ima više bodova po osnovu niskog porodičnog standarda i otežanih uslova života.

Nakon obrade i analize svih pristiglih prijava, Komisija za razmatranje, obradu i analizu pristiglih prijava na Konkurs sačinjava konačnu listu izabranih stipendista.

Lista izabranih stipendista biće objavljena na službenoj web stranici Grada Sarajeva [www.sarajevo.ba](http://www.sarajevo.ba) i na istu nezadovoljni učenici mogu podnijeti pismeni prigovor u roku od 8 (osam) dana od dana objavljivanja iste, a po zaprimljenom prigovoru u roku od 8 (osam) dana biće pismeno obaviješteni o prigovoru.

Po završenoj proceduri gradonačelnica Grada Sarajeva će potpisati pojedinačne Ugovore o stipendiranju sa učenicima stipendistima, odnosno njihovim roditeljima/starateljima.

Stipendije će po potpisivanju pojedinačnih Ugovora biti uplaćene na bankovne račune učenika, odnosno roditelja/staratelja.

#### **Način podnošenja prijava**

Prijave na Konkurs podnose se, u roku od 15 dana, od dana objavljivanja na službenoj web stranici Grada Sarajeva, lično na protokol Gradske uprave Grada Sarajeva ili putem pošte na adresu Gradska uprava Grada Sarajeva, Gradska služba za obrazovanje, kulturu, sport i mlade, Čemaluša broj 9, sa naznakom, „Konkurs za stipendiranje učenika srednjih škola“.

Po objavljivanju Konkursa biće objavljena Informacija o raspisivanju Konkursa, u dva štampana medija javnog informisanja.

Sve dodatne informacije mogu se dobiti u Gradskoj službi za obrazovanje, kulturu, sport i mlade kontakt telefon: 443152, 407457.

**GRADONAČELNICA  
GRADA SARAJEVA**

**Doc. dr. Benjamina Karić**

## PRIJAVA

### na Konkurs za stipendiranje učenika srednjih škola iz Budžeta Grada Sarajeva za školsku 2020./2021. godinu

**Ime (očevo ime) i prezime:**

**Adresa:**

**Kontakt telefon:**

**E-mail adresa:**

**Škola, razred:**

**NAPOMENA: Učenik, podnosilac prijave je obavezan popuniti sve lične podatke**

**Potrebna dokumentacija:** (zaokružiti dostavljeno)

- Prijava mjesta prebivališta, odnosno boravišta (za sve učenike);
- Izvod iz matične knjige umrlih (za učenike bez jednog ili oba roditelja);
- Odgovarajući dokument nadležnog organa kojim se dokazuje status samohranog roditelja/staratelja (za učenike koji žive sa jednim roditeljem/starateljem);
- Potvrda iz Službe za zapošljavanje (za učenike čiji je jedan ili oba roditelja nezaposlen);
- Kućna lista (za višečlane porodice sa troje i više djece);
- Svjedočanstvo ili đaćka knjižica kojima se dokazuje da je učenik prethodni razred završio sa najmanjom prosječnom ocjenom 4,0, a za učenike prvih razreda svjedočanstvo ili đaćka knjižica o završenom devetom razredu sa najmanjom prosječnom ocjenom 4,0;
- Potvrda o upisu u tekuću školsku godinu;
- Izjava učenika, odnosno roditelja/staratelja ukoliko je učenik maloljetan da je saglasan da se njegovi lični podaci, odnosno podaci djeteta, mogu obrađivati u skladu sa članom 5. Zakona o zaštiti ličnih podataka, a za potrebe provođenja konkursne procedure;
- Izjava učenika, odnosno roditelja/staratelja ukoliko je učenik maloljetan da ne prima stipendiju po nekom drugom osnovu;
- Broj bankovnog računa učenika, odnosno roditelja/staratelja ukoliko je učenik maloljetan, na koji će se vršiti uplata stipendije.

Sva potrebna dokumentacija kojom se dokazuje ispunjenje kriterija za dodjelu stipendija mora biti original ili ovjerena kopija.

Neblagovremene i nepotpune prijave neće biti uzete u razmatranje.

**Datum podnošenja prijave**

**Potpis podnosioca prijave**

## IZJAVA

- 1) Izjavljujem da sam saglasan/na da se moji lični podaci mogu obrađivati u skladu sa članom 5. Zakona o zaštiti ličnih podataka, a za potrebe provođenja konkursne procedure za stipendiranje učenika srednjih škola iz Budžeta Grada Sarajeva.
- 2) Izjavljujem da sam saglasan/na da se podaci mog malodobnog djeteta \_\_\_\_\_ mogu obrađivati u skladu sa članom 5. Zakona o zaštiti ličnih podataka, a za potrebe provođenja konkursne procedure za stipendiranje učenika srednjih škola iz Budžeta Grada Sarajeva.

**(zaokružiti odgovarajuću stavku)**

## IZJAVA

- 1) Izjavljujem da ne primam stipendiju po nekom drugom osnovu.
- 2) Izjavljujem da moje malodobno dijete \_\_\_\_\_ ne prima stipendiju po nekom drugom osnovu.

**(zaokružiti odgovarajuću stavku)**

\_\_\_\_\_  
Ime i prezime davaoca izjava

Broj LK:

Sarajevo, \_\_. \_\_. 2021. godine